

مطبعه و محل اداره :

جغسال اوغلنده امنيت  
صندوغى جوارنده  
شنكول يقوشنده  
۲۲ نومرو

# مشتاقنامه

۱۳۲۶

اخطار :

مسلكمه موافق آثار  
جدیده مع الممنونیه  
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئونه اسلامیه بحث ایر و هفته ده بر نشر اولنور .

صاحب و مؤسسلری :

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی  
۲۰ غروش فضله آلنیر

ابوالعلا زین العابدین - ح . اشرف ادیب  
تاریخ تأسیسی

۱۰ تموز ۳۲۴

آبونه بدلی

| سنه لکی             | التی آیلانی | غروش |
|---------------------|-------------|------|
| ممالک عثمانیه ایچون | ۶۵          | ۳۵   |
| روسیه               | ۶۵          | ۳۰۵  |
| سائر ممالک اجنبیه   | ۱۷          | ۹    |

آلتنجی جلد

۱۳ ربیع الاخر پنجشنبه ۳۱ مارت ۳۲۶

عدد : ۱۳۶

## واتیقان کتبخانه سنده کی آثار اسلامیہ

دنیاںک زنگین کتبخانہ لاندن اولان واتیقانہ محفوظ آثار اسلامیه  
میہی تتبع ایدہ رک مطالعہ داعیانہم اولان کتابلرک فہرستی نشر ایلہ  
عالم انسانیتی خبردارایمک اخص امام اولدینی جہتلہ بو باید، محترم  
صراط مستقیم مجاہ علمیه سنی مطلوبہ موافق بولدم. مذکور کتبخانہ  
یالکیز شرقہ عائد قرق بش بیک ال یازیلر آثاردن داعیلرینک اخبار  
ایده جکی دکزدن برقطرہ ایسہدہ ینہ بر خدمت اولہ جنی جہتلہ پی در  
پی ارسالی تعہد ایتدم. کتبخانہ مذکورہ نصل کیرلدیکنی اولا  
خبرویریم: مطالعہ واستساخ ایچون واتیقان کتبخانہ مراجعت  
ایدنلر حشمتلو پایا جنابلرینہ بر عرضحال ایلہ مساعنہ استحصال ایدلد  
کدنصکرہ کتبخانہ مدیری اورادہ حافظ کتبلرہ مراجعت ایدن افندی یہ  
ارائہ ولایم کلان تسہیلاتی یاپلمہ سنی توصیہ ایدر، بعدہ عربجہ، ترکجہ،  
فارسیجہ فہرستلرک محلی دہ ارائہ ایدر. بودفعہ دفتر مخصوصہ اسمی،  
کنیہ سی، «اموریتی، سوقاغی، ملتی یازیلور. بعدہ یومی دفترہ مطالعہ  
ایده جک ذات لاتینجہ یاخود ایتالیانجہ واتیقان کتبخانہ سنک ترکجہ  
فلان نومروی استرم دیہ یازار. سنہ آی کون وضع ایدر امضاسنی دہ  
یازار فقط بوایکی برہ یازیلور: بریسی دفترک اصلنہ دیکری ایسہ اورادن  
قوپاریلر. حافظ کتب اونک ایلہ مطالعہ خانہ دن بشقہ کتابلرک حاوی  
اولدینی سالوندن مطلوب کتبی کتیریر چیقلہ جنی وقت آیروجہ بر  
برپارچہ کاغذہ مدیرک امضاسی وضع ایدیلوب دیکر سالونده بالطو،  
شمسیہ، باستونہ نظارت ایدن قبوجی یمذکور کاغذویریلور. اشته بویلہ  
صبقی بر نظام آلتیدہ یوزلرچہ مطالعین ہیچ کورلتوسز کیکی یازار  
کیکی سالونده کتابک فطوغرافی چیقاریر، کیکی جلدک نفاسستی تقلید  
ایدر. قرون اولیندن قالان ایکی بیک سنہ لک روما و یونان ائاری کتابلر،  
اسکی عرب کتابلری، خلاصہ هرکس متعدد لساندہ هر درلو کتاب مطالعہ  
ایتمکدہ در.

روما:

سفارت سنیہ سی امامی

## ہاشم

۱۷ نومرو - مولد شریف اسکی یازیلی تاریخ کتابتی شو بیت  
ایلہ افادہ ایدر

هم سکز یوز طقسان آلتیدہ آیار

جمع ایدوب تاریخی ایتدک اختیار

۱۸ - بودہ ترکجہ مزراقی علم حال طرزندہ ایمان و اسلامدن  
آبدست وغسلدن بحث ایدر قطب الدین نامندہ بر ذات طرفدن یازلمش  
تاریخی نامعلوم

۱۱ - فقہدن غنیۃ الفقہاء اسمندہ بر کتابدر ترکجہ

۲۰ - تعلیق یازیلی تصوفہ دائر مؤلفی و تاریخی نامعلوم

۲۱ - فقہدن بیوک بر کتابدر مسئلہ مسئلہ بحث ایدر ۱۰۸۱

تاریخ ہجریہ یازلمشدر

۲۲ - وقایہ نام فقہدن بر کتابدر عربجہ سیلہ ترکجہ سی برابردر  
۲۳ - تاج التواریخ غایت آجیق یازیلی ثلث. دولت عثمانیہ کیفیت  
طلوعندن واکابر علمانک ترجمہ خاندن علی الخصوص استانبولک فتحندن  
مفصل بحث ایدر طقوز یوز تاریخنہ قدر باشلوجہ وقوعات دولت  
علیہ بی بیان ایدر  
۲۴ - بودہ تاج التواریخک جلد ثانیسی بو جلدہ سلطان جمہدن  
بحث ایدر.

۲۵ - نفحات الانس ترجمہ سی لمولانا ملا جامی بوندہ منصور  
الحلاجک کیفیت شہادتی مفصلا مندرجدر. غایت کوزل ثلث خطیلہ  
طقوز یوزیکرمی یدی تاریخنہ یازلمشدر

۲۶ - سید بطل حکایہ سی. تاریخی نامعلوم

۲۷ - (کتاب تواریخ ال عثمان) نامندہ مختصر جہ بر تاریخندر.  
طقوز یوز یتیمش اوچ سنہ سنہ قدر باشلوجہ وقوعانی علما و مشایخک  
ترجمہ حاللرینی بیان ایدر.

۲۸ - (سلیمان نامہ) ییلدیرم یازید نامندہ یازلمش حضرت سلیمان  
علیہ السلامک محاربہ سندن و سائر قرون اولیندن بحث ایدر.

صراط مستقیم. - کوندریان مسودہ لر (۱۷) نجی دن باشلایور،  
مکتوبدہدہ بر ایضاحات یوق، بالطبع سبی اکلاشیلہ مامش، عینیلہ دوج اولمشدر.

دار الخلافہ صراط مستقیم جریدہ اسلامیہ سنہ

## پکیندہ کی دین قرداشلر مزک فخر کائناتہ قارشو

## تعظیم و تبجیلاری

فخر عالم صلی اللہ علیہ وسلم افندیمز حضرتلرینک مولدنبو تیناہیلری  
اولان شہر مبارک ربیع الاولک دردنجی کوندن اعتباراً وجوہ و تجارتان  
معتبرہ واورتہ اصنافلر تاشیطان آرابہ لری چکدن فقراہ وارانجہ قدر  
علی اختلاف طبقاتہم، مراد یاپارلر.

ربیع الاولک دردنجی کونی وجوہ واعیانک جمع ایتیمش اولدقلری  
پارہ ایلہ برایکی اوکوز ایلہ برقاج قویون جامعہ کتیررلر. آخوند  
بو حیوانلری برر برر علی برکۃ اللہ ذبح ایدر، صوکر کصابلرہ حوالہ  
ایدر، آنلردہ او حیوانلری کندیلرینہ مخصوص اوضاع واطوار ایلہ،  
صلوۃ شریفہ تلاوت ایدرک دریلرینی یوزرلر، صوکر اک صنعتکار  
اشجیلرہ حوالہ ایدرلر، اونلردہ کیجہدن ایشہ مباشرت ایلرلر، بشنجی  
کونک ضحوۃ کبری زماننہ طوغرو وجوہ واعیان، علماء وطلبہ  
جامعہ کلہ یہ باشلارلر، جملہ سی جامع شریفہ داخل اولورلر، علما  
ہپ بر صف تشکیل ایدر، طلبہ لردہ آیروجہ بر صفدہ اوتورورلر،  
ومولد شریف ایچون پارہ ویرنلردہ علمانک قارشو سندن اوتورورلر،  
هر علمایہ وطلبہ لردہ ویریلہ جک ہدیہ لری دہ بر ظرفہ قویہ رق اوجمیتک  
اک امینلری اولان اوچ ذاتہ تودیع ایدرلر، صوکر علمادن بریسی  
سورۃ فاتحہ ایلہ سورۃ بقرہ (مفلحون) قدر اوقور، بعدہ  
ہربری برر جرؤ قرآن عظیم تلاوت ایدر. بونک اوزرینہ صدقہدن  
ہربر عالمک حصہ سنہ دوشن پارہ بی تسلیم ایدرلر، جامعدن چیقارلر.  
دیشاردہ صفرلر حاضردر. یمکہ باشلامازدن اول (المترکیف)